



# PETRUSBURG NUUS

Deur God se genade 'n biddende gemeente wat mekaar in liefde dien en uitreik na die wêreld.

14 Maart 2021

## Vierde Sondag in Lydenstyd

### Johannes 12:24

Dis nie vir God genoeg dat net 'n klompie uitgesoektes gered word nie. Hy het die verlossing van die hele wêreld in die oog.



## Ons Program

### Vandag

- **Nagmaalsdiens** om 9:30 olv ds Jaco Thom
- **Deuroffer:** Teologiese Opleiding
- **Tee en verversings** – Julle kan dit in die voorportaal kry en buite onder die bome geniet. Baie dankie aan Wyk 3.



### Maandag

- **Normaalklas** om 18:00 in die konsistorie.

### Donderdag

- **Ringsitting** te Koffiefontein. Ons vra julle voorbidding asb.

### Sondag 21 Maart: Menseregtedag

- **Erediens** om 9:30 olv ds Hennie Maartens
- **Deuroffer:** Teologiese Opleiding
- **Tee en verversings** – Modderrivier

### Dinsdag 23 Maart

- **Bybelskool** in die kerksaal om 18:00: Hulpbronne vir die verstaan van die Bybel.

Sondag 28 Maart: Palmsondag

- **Gesinsdiens** om 09:30, asook Sondagskool en kategese.

### Bybellees-program

- Ons lees tans die **Evangelie volgens Lukas**. Op die WhatsApp-groep

*Petrusburg* kan jy elke dag 'n kort oordenking oor die hoofstuk kry, of op ons toep. Om by die WhatsApp-groep aan te sluit, kontak Jaco Thom of klik [hier](#).

## Allerlei

### Vleis- en Oesfees en mini-basaar

Ons beplan 'n Vleis- en Oesfees en mini-basaar op **29 Mei 2021**. Dit gaan 'n ietwat ander formaat aanneem as vorige vleisfeeste.

- Ons gaan in Meimaand 'n pryslys van vleisprodukte vrystel waar u vooraf bestellings kan plaas, en ons gaan slegs die bestellings uitvoer. Die res van die vee gaan lewend verkoop word.
- Daar sal by die mini-basaar wel sosaties, wors en maalvleis (gaar of rou) in klein hoeveelhede te koop wees, asook groente en ander produkte wat ons moontlik mag kry. Ons wil ook groot koeke, kerrie & rys, boerewors-rolle, koue poedings en pannekoek verkoop.
- U kan ook graan lewer op die kerk se lidnommer by Senwes as hydrae tot die oesfees.



Insamelingslyste sal eersdaags in wyke versprei word en ons vra dat u ouderling of diaken met 'n oop hand sal ontvang.

## Lief & Leed

### Huweliksherdenking

18 Danie & Sonia Jacobs (43j)

19 Pieter & Alida Swanepoel (38j)

### Baie geluk aan ...

Lizane en Johan Odendal en die familie met die geboorte van klein **Fredri**. Mag hy julle lewens verryk en elke dag van hom geseën wees.

### Dink spesiaal aan:

- **Lilly Cloete**, wie se man Nic ná 'n lang hospitalisasie oorlede is.
- **Rachel Allan** (erg verswak)
- **Magna van Loggerenberg** (herstel van Longontsteking)
- **Janet du Toit** (herstel ná val en slegte beenbreuk)
- **Annamarie Dercksen** (rugoperasie Dinsdag 23 Maart)

## Gebed



Lydenstyd is voorwaar 'n uitdaging. Om nader aan God te kom en my lewe aan Sy riglyne te meet is nie altyd die opbouwende oefening nie. Dit is egter 'n aksie wat jou en my tot die besef bring dat ons van die Here afhanklik is.

My gebed saam jou is aan die hand van Peter Scazerro se Daily Office:

*Here, vergeef my my sondes*

*soos ek diegene vergeef wat my seer gemaak het.*

*Lei my op my reis*

*om deur hierdie lydenstyd voortdurend nader aan U te leef.*

*Lei my deur die proses van vergifnis, deur die seer na heel-wording*

*sodat ek werklik goedgesind kan wees teenoor die mense wat my seergemaak het.*

*Help my om soos Aäron en Moses in gehoorsaamheid aan U 'n seëning vir*

*die mense rondom my te wees.*

*In Jesus se Naam,*

*Amen.*

Mag die uitdagings en die seëninge op jou pad jou nader aan God bring.

### Sake vir gebed:

- Dank die Here vir die **lydenstyd** waarin ons opnuut bewus kan word van die diepte en omvang van God se liefde.
- Bid vir ons gemeente: vir Goddelike wysheid vir die pad na **vernuwing** sodat Hy ook deur die proses vereer sal word.
- Bid dat die Here ons bewus maak van die **behoefte van mense** wat ons nodig het, en ons gewillig maak om iets daaraan te doen..
- Dank die Here vir **beterskap** by siekes en hulle wat herstel.

*Biddende Hande* word deur Lulu Hugo behartig. As daar enige sake is waarvoor jy gebed verlang, kontak haar gerus by 083 309 7277 of [lulu.hugo@yahoo.com](mailto:lulu.hugo@yahoo.com)

## Vrouebedieningprogram

**Kwartaal 1:** Naomi Groep (Wyke 4 & Emmaus) olv Retha Nel

14 Mrt Nagmaal – Blomme & Nuusbrief

28 Mrt Palmsondag

1 Apr Wit Donderdag – Aandnagmaal

4 Apr Opstanding Sondag – Blomme

23 Apr Skole Sluit

**Borg 'n Bybel**  
Met U hulp wil ons graag die jaar 'n 1000 Bybels versprei..

Jou naam kom voor in die Bybel saam met skrif uit jou Hart.

R65 per Bybel FNB Rek. 62845405754 Takkode 231332

**Petrusburg SOPKOMBUIS**

Navrae Willem Venter 0829706929

SMS naam en skrif na Phillip du Plessis 0849692634

"God wat saad voorsien aan die saaier en dan brood om te eet, sal ook aan julle saad gee en dit laat toeneem en die vrugte van julle goedhartigheid lieflik laat groei."  
2 KORINTIËRS 9:10 NLV

### Gebed by Ps 23

O God, ons koning en herder,  
wat u Seun Jesus Christus  
uit die doodsvalei teruggebring het,  
vertrou ons met u beskermende teenwoordigheid  
en met u engele van goedheid en liefde,  
sodat ons ook tuis mag kom  
en met Hom in u huis mag woon, vir ewig.

*vertaal uit The Archbishops' Council of the Church of England*

---

<b>Leraar:</b>	Jaco Thom	084 523 1157	<a href="mailto:jaco@ngkerkpetrusburg.co.za">jaco@ngkerkpetrusburg.co.za</a>
<b>Kantoor:</b>	Madette Lombaard	053 574 0279	<a href="mailto:ngkpetrusburg@gmail.com">ngkpetrusburg@gmail.com</a>
<b>Orrelis:</b>	Elmien Thom	084 562 3434	<a href="mailto:elmien@ngkerkpetrusburg.co.za">elmien@ngkerkpetrusburg.co.za</a>
<b>Koster:</b>	Annamarie Dercksen	072 499 4262	<a href="mailto:annamarie.dercksen@yahoo.com">annamarie.dercksen@yahoo.com</a>
<b>Webwerf</b>	<a href="http://www.ngkerkpetrusburg.co.za">www.ngkerkpetrusburg.co.za</a>		facebook <a href="https://www.facebook.com/NGKerkPetrusburg">NG Kerk Petrusburg</a>
<b>Kantoorure</b>	Maandae: 11:00-13:00 & Dinsdae – Vrydae: 08:00-13:00		
<b>Bankrekening</b>	ABSA Tjekrekening 2610580001		